

高明縣志

光緒甲午冬

蔡逢恩題檢

第三册

卷七  
學校

卷八  
禮樂

卷九  
兵防

高明縣志卷之七

學校志



學校者國家所以養育人才也上而匡王定國下而化民成俗皆由此出所係綦重矣高明邑雖徧小然亦與賢之地是以掇元魁躋膺仕者代不乏人士之游息其中固宜自知其重也曷爾多士澡乃德淑乃行潛修經義體驗身心明吾性分固有之理盡吾職分當為之事毋為出學以阿世毋為舍己而徇人將見修之家者咸可獻之廷水沸龜頭之驗於斯有厚望焉作學校志

儒學

高明縣志

卷之七

學校

一

學宮在縣治東坐碧玉岡面卓秀峯深六十丈廣三十丈

成化十二年始置縣設學知府李璣創建大成殿兩廡戟

門櫺星門明倫堂養賢齋育德齋號舍廚庫

祭酒吳節記聖人之道與

天無極而其所以至重者亦惟扶持彝倫之道以為之本也原夫有天地即有生人有生人即有彝倫之道經之以三皇紀之以五帝宣之以禹湯文武經漢晉唐宋而愈昌歷南北六朝而益盛也蓋彝倫者生人之本源宇宙之根抵而斯文盛衰之所由也觀有周之時天生東魯聖人出為儒文宗主祖述堯舜憲章文武語博厚則博厚配地語高明則高明配天語悠久則悠久成物與造化同其功故嬴秦嘗棄滅典籍矣而是道不與之俱滅南北六朝嘗不事詩書矣而斯文不與之俱喪其窮天地亘古今理生民之懿而無乍停者乎故自漢唐以來天下學校皆師尊孔子名號有加然歷世久遠古今疆邑有開通人民有繁庶此郡邑所以增廣而學校所以時建也高明新制縣邑舊屬肇慶高要正統以來耗賊作逆居民逃竄不能一日安息幸奉聖天子廣布仁恩大肆招徠人民咸復故土而戶

口增羨遂令有司經營布置分爲二邑而學校則擇其山水明秀之地而立焉其景趣則東昂筆架西護表山南俯滄溪北枕慶林真成賢之佳境而造士之名區也學宮闢地計丈一百有餘繚以牆垣中庭聖人殿高三丈深稱之蓋以碧瓦葺以磚石殿之後則爲明倫堂爽塏正而育德養賢二齋左右翼之殿之前爲丹墀輝之外爲戟門櫺星皆有規制而廡廊廊舍牲饌之設亦莫不綜理完備肇建之由從眾謀而奏准者都憲繁昌吳公琛捐地宜而處置者總督桂陽朱公葵而董其役視其成者今邵守李璵同知賀恕知縣唐簡贊襄其間焉始於成化己亥春三月至季秋之九月而畢工眾志以喜太守乃具書遣貢生譚南昌齋至安城請予記之予嘗忝師資國子親執奠獻聞是邑學校增新爲士林健羨爲述其始末而記之并作爲銘詩一篇以附於後俾同學之士傳誦焉其詞曰天有五行以宣五氣人有五常乃成生理爰自開闢羣聖相承扶持彝倫以覺斯民從師問道遂爲朋友忠君孝親義斷仁守五倫之道有常有經國政以就民務以成大哉宣聖德配天地禮樂訓時彝倫垂世歷代尊崇王號鼎加端冕凝旒文物光華肇慶之府高要爲邑素多士人陷於孟賊惟我皇明廣惠施仁流移復業民業維新戶口益增開爲

二邑土厚水深營居粒食有翼泮宮棟閣穹隆明倫堂後文宣殿中東西廊廡前後門壁饌室齋房無不修潔吾師吾徒以處以遊冠佩濟濟絃誦悠悠伊誰厥初都憲領首撰其成功肇慶郡守聖學聿彰與天悠長出類拔萃卓冠百王我作銘詩頌德如宏治間署縣事與史黃觀建講堂史昭示一時流傳萬古

及泮池池申累石爲橋上樹石爲亭正德十五年通判潘

鷗教諭李士文訓導粟珍典史蔣綽修兩廡嘉靖五年知

縣陳坡重建殿廡堂齋戟門廚庫號舍樹櫺星門以石爲

六大柱翼以十二小柱創聚奎樓敬一亭南海倫以諫記成化之己亥值

地方多故民迺弗靖於是守土者議闢於朝迺築高明城既立縣治遂建學宮以風化理以弼成政惟草創爰度弗敷遂至圯壞迄於今甫及五紀圯滋甚於是閩之陳侯坡以嘉靖丙戌來令茲士視治三日迺謁先聖像登明倫堂遍及學舍憮然不懌遂進教諭伍君倫訓導鄧君尙烈督諸生徒而語之日工必居肆業乃攸成學必從羣道乃

克明工不肆則失其業學不羣則失其道夫學校者羣於道者也學弗建羣乃渙道弗明化匪行矧惟先聖先賢祖光攸妥實爲崇瞻爲化之源藐其瞻墮其源其何以理司其職者爰及藐墮厥官惟替咎將安道乎吾聞浮屠學佛者守其外教弗愆弗墜一有坳割滅滅然鳩集而新之輪奐光炫以蠹耗生民沉吾聖賢之道綱維天地根柢萬彙上自混闢下及時流布濩漫衍得之則甯失之則傾與化無極爲之徒者巖其冠魁其形守其道而囁之固不若學

高明縣志

卷之七

學校

三

庶戟門明倫堂聚奎樓敬一亭重建講堂兩齋號舍三十五年廟學爲颶風摧毀知縣徐純次第修葺復開泮池築杏壇於池上種植桃李建躍龍門一座東西圍以牆垣三十六丈東接聖域坊西接賢關坊并添建藏脩處一座在講堂側移敬一亭於儒門內遷名宦鄉賢二祠於戟門左

右又建宰牲所萬歷十三年知縣曾宗烈重修廟廡堂齋名宦鄉賢祠及敬一亭

南海陳堂記高明去端州百里許成化丁酉建儒學於縣治東前臨滄溪後擁青玉諸山以挹扶輿之秀蓋百二十年於茲矣漸久學官圯壞萬歷乙酉春樂安會侯宗烈以天子命來令高明則太息曰嗟乎學校者風化之所關也今更旣無以師帥於上獨奈何使諸儒託處草莽間哉於是謀爲修治之計會丙戌大水水之沒於端州郡邑城者數版侯又日夜拯援且願與民休息未暇也越明年歲穀豐登政化

淪洽侯乃建初議於諸當路者得請遂捐俸錢若干緡益以贖刑之金爲修葺費故者飾闕者興斲者堊甃者藻者犁然而羣工畢集學於是乎改觀矣始於丁亥秋七月訖冬十月凡七十日而告成事邑博士謝君養浩黎君可耘紹介於弟子員區大標以問記於余不佞余進區生而告之日爾諸士其亦知國家育才之意而身逢明盛之世者乎三代以上無論己漢稱循吏仁愛教化宜莫如文翁蜀之有學自文翁始其言修起學官招下縣子弟以爲學官弟子親自飭導遠近京師受業博士減省少府用度買刀布蜀物贖計吏以遺之而又用次察舉一何勞也南粵去京師萬里其僻遠奚啻巴蜀籍令人詣京師受業博士而後有所成立即才且賢豈不憚煩今高皇帝撫有方夏郡邑各有學學有官官有廩餼士之生於其鄉者近不過二三里遠亦不出百里而吏於其土者亦不必刀布蜀物之齎遺也而羣子弟於其中可以離經辨志可以敬業樂羣可以博習親師可以論學取友其成立而知類通達者可以察舉於其鄉可以貢於天子之廷而受職業濟顯顯其眎漢之疏濶亦豈不千載一時也哉而今之爲令者又能時其作新鳩工聚材而爲諸弟子員易其觀聽惟今以始如其出入是門則思所以立於禮由是路則思所以達於

高明縣志

卷之七

學校

四

義登是堂而見宗廟之美百官之富則思所以對越駿奔異時而察舉策名天子臨軒而問之某也才某也賢皆由某學進者也則豈不爲學宮光寵其或以正進以不正退則豈特學宮之虛而於國家育才之意毋乃太負己乎語曰新沐者必彈冠新浴者必振衣學宮一新其亦彈冠振衣之會也爲我語諸士盍相與而勉之區生聞余言喟然曰是固吾邑侯與師長之所以夙夜孜孜者也敢不唯命然則高明之有侯庶幾乎蜀之有文翁矣高明幸哉先是兵憲山陰王公按行郡邑增置學宮之勝於滄溪之東南建一浮屠卓然如筆識者已占高明之風氣文物倍於昔時矣其年督學使者海甯郭公試諸士暨郡守上虞鄭公餼養諸士于端之崧臺書院並多異等云萬歷十五年十月四十八年知縣陳京璧重修廟廡順德黃儒炳記高明古平興地後屬高要其析壤而自爲邑以寇故則自成化十一年始也是時世道熙恬天下莫不興學化及遐陬故城工竣而學建焉自建學後科甲鼎起且有異材鉅公雖形勝使然要以作興風厲則賢師帥之功不少已學宮歲久而圯萬歷己亥邑人宮允區公大相奉使便道歸言於制臺陳公捐帑金三百增修其缺壞而于時董役者急於啟聖宮及師儒諸衛

高明縣志

卷之七

學校

五

舍費不敷而工隨訕今高安陳侯來令是邑下車謁學周視愾然謂育士之區何弗廢至此首建祝釐閣於邑之東偏使士知忠愛大義因以補澤宮之缺已乃捐俸金一百有奇為修學而邑之孝廉程君可登暨諸生何良玉譚用中鄧維屏楊宣仁劉衍芳程萬里羅公裕者仰承侯意或乞其材或督其植故材美而不崇筋匠勤而不旁博自殿堂廡祠以至櫺星門奎星亭無不更新泮池舊有改半壁為方體者今更之如制而甃欄加堅焉凡三越月而成蓋庚申歲之春夏間也學訓何君一鶚屬諸生介孝廉齋書來曰願有記以識重修之美余惟養士必於膠序今設也序者次序也明次序先王之道而學之膠序屬亦無時不相警策故教行而德藝可舉也今國家以文學羅天下士豪傑功名大都由此出夫六德六行彬彬則養之謂士養之而未成材未有用之而能取效者也養士之術非一端在師古而不闕於今新其學校所以使之奮奮正其制度所以使之嫻習然後明倫以表之衡文以程之揭廉恥以勵之由科目之學以導之義理之與使燕憚下能為之荒獐賦不能為之薰利害禍福不能為之動周折矩而達天下國家之故為士者固已如此矣策名而

施之何施不可即未試而待施者自在也是故非士無以備國之用非教無以成士之用竊意侯今日所朝夕加意而深有合於古人大有造於高明者其教思大率伊此世有司以銜霍為精神簿書期會以外一切視為不急即浮慕者亦文具是修侯吏治精敏悉實意所流溢其利民大政既在修隄清賦而猶汲汲於養士身為之勸治平要可不謂識其大乎迺不佞更有所為士子諷者凡學之修圯由人也士學於膠庠之中而自修自圯果由人乎侯治邑以循良聞且自此升矣諸君子能長恃侯否士民之秀生平自有品地耳蘭漸之滌則君子不近庶人服守兩之質不美哉漸使然也欲完其美慎其漸一以志行之精潔決之上者為濟世之豪傑中亦可抗迹等倫修若是斯於而邑令君造就之意先達開美之貽兩無負焉即記者亦與有光已侯名京璧字國寶江西高安人萬

崇正五年知縣蕭時勉訓導譚讚復行修葺明去

受於兵

國朝順治八年署縣蕭來儀教諭王孫樞倡率紳士黃邦英

李翹楚何之梓劉俊芳重建

關捷先記析鄰壤邑之學斯建焉甫二百年矣邇乃毀於

兵鼎而新之甚盛舉也乃舉於公私交誦之時尤異夫天下事盡有漸鼎有機而總之待其人吾邑自丁亥以來兵燹相尋入官物曲什喪其入官府宥宥然居民上凡事具亦不甚拘以文法至於學則尤以為非當所急務之費如也庚寅秋九月督學東吳李公綺較士至邑愾然太息捐俸百金經始之幸卯春博學師孫樞王公遂奮而任之日作事謀始與若謀國即若謀家學固吾之家也乃公復不自有其家且自倒青檀廉橐而罄二百金助焉一時紳士鼓舞勸相亦萃六百金自辛卯秋迄癸巳春三易寒暑告厥成功數仞宮牆天衢雲路巍殿橋門修廊隆棟易土而砌易朽而椽瓦墁贊城棧題輪奐以逮鄒防之祀配祠之祠饌堂牲碑經緯射圃絃誦有區庖福有所環壇植杏桃李成蹊并其堂如澗絲竹警歎之聲也弟子員則黃生邦英劉生俊芳李生翹楚何生之梓與有成勞乃問記於山樵關生捷先惟先曰吾於公之新學也得學焉蓋任重道遠者人也舉積年壘壞之事一旦毅然幹之乃破格毀家以斯文為己任卒無有難者格其前諉者挽其後半塗者棍其中第以鼎革之義外新其耳目內新其心志覺夫

高明縣志

卷之七

學校

六

子之羹牆殆日新而罔極也夫子天也極審窮通無物無天在物而格雖木頭木屑陶治錢園攻其良窳繩其勤惰格致詳未有不善故治天下一如於治學則由細入麤一張一弛可以為文可以為武可禮義寓于禮可軍旅資擯相是故際時艱而圖大也上不損官下不病民更談笑以卻戎行勿奪吾工焉詩曰翩彼飛鷁集于泮林食我桑黹懷我好音公以一紙書弭平虐之報而翕然脫劍視在泮獻囚不啻過之多士朝斯夕斯得無憬然於此乎昔魯僖公修泮宮春秋不書說者謂恆事爾夫春秋雖征伐會盟無虛日乎然當是時禍不及民學未嘗廢雖不書焉可也若夫今日吾邑自始之不戒馴致川谷量骨溝瘠子遺養生送死之具一切蕩盡何暇治學乃有人焉謝民社而擁臬比興學以固志而立民命斯人也豈非先聖所必待者哉王文成曰殿廡堂舍拓而輯之有司之修學也求天下之廣居安宅而修諸身師弟子之修學也多士得公所以新學者而新其心以止於至善而學永以不朽尚勉力而經營將就適晉中李公莅止共襄之李公學道愛人者也爰采絃歌陶陶焉禮樂式被師表並峙焉多士何幸而駢逢其盛也於是乎書其他捐助康熙八年知縣魯傑重修紳士姓名具載碑陰不復贅云

大成殿兩廡明倫堂養賢齋育德齋區簡臣記高明之有

二年間時端郡初分立明邑而學因以建厥後尹是邑者

遞相修葺諸博士弟子咸彬彬質有其文或以勳名顯或

以風節聞或以理學著概不乏人說者以為地靈之應云

而要之不外教育者近是甲辰臘月三韓魯侯諱傑奉

天子命下車高明當行香展謁即憺倦屬意於學宮特有

所先者給耕犢以招氓墾荒田以足賦清稅米以復額不

憚亟亟行之由是修志書暨城隍廟諸美政不勝述而其

最者在重新巽序鼎俸三百餘庀材鳩工自大成殿及兩

廡櫺星廢者舉缺者飾剝蝕而塵霾漫漶而不鮮者咸墜

塗丹堊之靡或遺且明倫堂傾圮殆盡磚石瓦木無存侯

慨然已任鼎而新之凡經營擘畫悉親董其事堂之前東

西兩庀久鞠為茂草矣侯新構兩舍翼然煥然勞比於創

無殊而規制之善抑又過之是役也不費公帑不勞民力

不釀眾金工始於戊申孟秋落成於己酉仲春侯之功洵

堪並垂不朽矣司訓李君之任以侯績滋大不可無文以

記命學生譚子甲魁走千里外至楚中徵余言為記余思

學肇於帝而備於王稽三代盛時國有成均而遂序黨產

高明縣志 卷之七 學校 七

中者咸得以盡其材是故高可至於命下亦不失為人用

今之處斯學也徒採方名於傳記搜百氏為網羅其於古

帝王敦本重道興學育才之意闕焉未講魯侯有斯舉也

非特振颺士類感奮幽貞更可以進德修業優入於聖賢

之域矣余一行作吏簿書鞅掌安得歸而助諸矜士洎家

子弟輩爭相濯磨以觀德化之成庶幾無忝昔之勳名風

節理學諸公而於魯侯新學以教育人才之意為無負也

用握筆而書壽諸貞珉俾後學有所觀感而興起焉是為

記康熙己酉 二十一年署縣事劉淑向教諭鄭啟中訓導 仲春穀旦

洗瞻宗率紳士捐貲修葺殿堂兩廡戟門櫺星門名宦鄉

賢祠明倫堂齋舍又於泮池塘東西墻垣築高六尺鼎建

東西二門東門外扁曰禮門內扁曰珠海騰蛟西門外扁

曰義路內扁曰玉山起鳳生員譚偉魁譚錫蕃謝陞選黃

自雷謙傳達莫文潤楊名言謝繼安督理煥然一新 順德 鄭際



泰記高明人文甲於端郡自有明成化建立縣治科第鼎盛應運蔚興內而翰銓部部外而郡伯邑宰皆有異績殊猷垂光乘誌論者謂戶業詩書家敦誦習有以致然抑知故人文丕變若是接踵也第學宮肇建二百餘年久而圯壞代廢代修皆鐫石紀績並誌不朽自己西修葺以迄丙辰變亂陡作寇自雷廉來者戎馬雜踏輻輳斯土鬻官簷宇門堂慘遭蹂躪傾塌迨丁巳皇師蕩平驅逆反正時駐兵無所學宮內外盡屬牧肆營房非復聲名文教之地司訓洗君瞻宗官茲士者數年日擊心傷力弗能逮壬戌秋伯兄啟中以開復教諭奉命秉鐸踰月會南海左丞劉君淑向亦捧檄來攝縣篆下東嶺先聖妥伯羣賢凡視慨然太息謂學宮重地所以俎豆茲士子絃誦於斯造育於斯者也願令貔貅虎踞殘毀至此誰之責也爰偕洗君謀請上憲措地居戎圖爲修復荷當途俞允劉君遂捐俸金一百餘兩伯兄捐俸四十洗君捐俸二十一時紳士尊師重義糾萃將二百有奇焉不憚躬親鳩工庀材始自殿堂兩廡次及戟門櫺星門啟聖宮名宦鄉賢祠明倫堂齋舍盡爲修葺廢者復缺者補故者飾四週縮板百堵皆與其殿前丹墀泮沼墻壁無復磚石

高明縣志

卷之七

學校

八

之遺則盡構新築之經始壬戌之冬迄於癸亥之春而前此荒廢已煥然改觀矣惟尊經一閣向建東南隅屹然聳峙聖賢奧義畢萃於此前因颶風圯塌倒平由來已久故址坵墟徒存而工繁費重難以卒復癸亥三月適吳江于侯諱學以天子命來令高明每一瞻謁卽倦倦屬意以此閣實關學宮重鎮缺焉不修工猶未竣也遂毅然以創復爲己任捐俸二百餘兩且益以紳士優免七十餘金不費公帑不斂民間凡三閱月而閣成由是六經歸宿燦然復著是于侯以善政爲善教大有造於高明揆之劉君首倡學校蓋後先輝映也然則高明修學始于劉君成於于侯勸相於伯兄與洗君而董事屬工則弟子員譚偉魁譚錫蕃謝陞選黃自雷謝儀遠莫文潤楊言名謝繼安也詎不休哉不佞癸亥奉假歸里來省伯兄齋舍會瞻廟貌重新人文畢萃流連嘆賞略爲解捐以勸盛美非一簣可益垂成聊以附誌不朽云爾然不佞於此有進焉學校之設三代迄今未之或易所以羣弟子於其中服習鼓舞陶育成材禮樂詩書春絃而夏誦受成釋奠緯武以經文記日一張一弛文武之道也夫道本乎學學本乎心心者作聖之基學乃入道之始多士誠端厥心則學以是進道以是成非惟善道之奧達化窮神出其所蘊可以舉於鄉可

以貢於朝而經邦載治文武是憲使天下翹首咸觀知  
高明學成教行多士奮起以羽翼經術以黼黻皇途視諸  
先達異績殊猷千載一時也矧今之爲令者又能加意振  
興雅崇教化朝夕與師儒涵濡而育成之則有德有造又  
何慮進取之無籍也彈冠相慶端在此矣不佞以伯兄官  
此迫於多士之請不揣無文爰爲之記時康熙二十四年  
十月六十年知縣陳紱教諭曹源訓導楊天縱典史石鐸  
望日  
巡檢張璧重修兩廡雍正四年知縣葉思華遷名宦鄉賢  
二祠於殿廡右乾隆十二年知縣沈文煥教諭吳錫山訓  
導邱士高重修明倫堂十四年知縣繆琬署縣張煒典史  
張國紀巡檢胡朝恩重修兩廡四十五年知縣于煌教諭  
劉達成訓導曾希甫暨邑紳士修大成殿兩廡明倫堂嘉

慶十二年知縣余保純重修余保純記高明學建始於明成化之十一年嗣是廢興時

高明縣志

卷之七

學校

九

見至我朝康熙八年縣令魯公重修後尹斯士者次第  
修舉其間時代之遠近經費之多寡與夫形勝人文之秀  
蔚歷詳縣誌不復贅乾隆十四年知縣沈公倡始重修至  
今已閱六十年爲時久遠廟貌頽圯尤甚前此蒞事  
者每因經費繁重輒抑然中止乙丑冬余奉天子命  
來宰是邦思以振頽興廢爲己任而首推急務尤以學校  
爲先下車之始行謁聖禮拜奠後週視學宮見頽廢不  
堪之形覺憮然不自安因思學宮爲風化所關誰無尊師  
重道之心願令毀廢若此且學之設也已歷三百餘年考  
之碑記有廢必修大率不過三十年間迺自乾隆丁卯重  
修迄今已週花甲爲時愈久破毀愈多則工費愈甚若不  
及時大爲修葺後雖欲行而不得幾何其不委斯道於草  
莽耶於是急謀修治計力捐俸若干金爲諸儒倡丁卯春  
邑內紳士樂余有是舉遂以斯事請於余余卽召集紳耆  
俊髦諸人議定章程分別責成董理其事而一時多士莫  
不踴躍勸襄樂輸恐後又得捐資若干金始能鳩工庀材  
展布條斷外自數仞宮牆天衢雲路內自殿堂廊廡星門  
奎閣泮沼丹堦以次易土而砌易朽而椽故者飾闕者興  
斷者堊甃者藻凡宜整葺之所悉鼎而新之經始於丁卯  
之春不逾年而告厥成功是役也邑之紳士知余以振興

學校爲急務而思共勵以觀成以是不辭勞不厭倦經營  
擘畫交相贊理學之新也雖踵前事而修之其巍然煥然  
規制之善竟勝前人籌度之勞功逾創始誠一時之盛舉  
也嗣今而邑中多士瞻美富之宮牆仰維新之道貌因知  
古先王興教育材之意奮發興起以羽翼經傳以黼黻  
皇猷則成人有德小子有造又何虞進取之無階乎然則  
新文運而繼紹前徽崇教化而輝煌 廊廟皆當於此有  
以啟之余又安敢不與同邑諸君子共勛以成之也余忝  
蒞斯土恭逢 聖天子道化作人之盛咸得與鄙人士  
共沐浴於甄陶樂育之休則敦治本而不變人文振士氣  
而表揚 德意皆守士者之所有事也學旣成緣諸紳  
士之堅請不可以無詞爰不揣固陋而爲之記其共襄斯  
事者皆例得備書云嘉慶 同治十二年邑紳倡捐重修  
十四年己巳仲夏穀旦

奎璧亭知縣陳儼建萬歷十三年知縣張佐治重建後圯  
雍正四年知縣葉恩華建在殿廡右鄉賢祠後名曰魁星  
樓今圯亟議修復

青雲路原名義路亭一座嘉慶二十四年教諭湯濬捐俸  
建匾曰登賢門知縣徐純重修改題二匾一曰義路一曰  
君子之林康熙二十八年知縣于學政曰青雲路乾隆三  
十三年邑紳士遷在教諭衙左同治二年遷在文明門之  
前直接朗第坊後數科邑不見榜說者咎其曠蕩十二年  
重修學宮復還舊制仍遷教諭衙左是科楊琳捷賢書乙  
亥麥錫良舉鄉試丁丑成進士

青雲門原名禮門一座在養賢齋左知縣徐純修康熙二  
十一年教諭鄭啟中重建改匾曰青雲門

儒門知縣陳坡重建知縣陳富春重修知縣徐純改建稍

東向文筆峯在教諭衙前曲行教諭余奕黃改直行之仍  
區曰儒門康熙二十一年教諭鄭啟中重修

崇聖祠原名啟聖祠原在明倫堂後山知縣黃璉遷於明  
倫堂左知縣陳富春修徐純繼修築高三尺造神龕五座

康熙元年知縣盧開象訓導沈嘉慶重修雍正二年奉文  
改爲崇聖祠乾隆十一年知縣沈文煥重修道光三年知

縣祝淮倡邑紳遷於大成殿後而遷明倫堂於左祝淮記

之今而盡善按之古而亦善者雖爲遷易依然理順而心  
安則變通之道正以善其所因而非喜事紛更者比嘗見  
直省郡衛州縣學宮其 崇聖祠多建在 大成殿後誠  
以居上宅中仰體 先師敬尊愛親之訓庶足盡吾儒尊  
師重道之意也壬午春余來守是邑下車伊始即恭行謁  
廟禮仰見 大成殿巍然煥然方謂都人士所以尊師

高明縣志

卷之七

學校

七

者至矣由是敬瞻 崇聖祠建在宮墻外左側而垣墉棖  
檜將就傾頽維時心忤忤然卽有遷修之志越癸未余於  
諸生月課之暇謀是義舉因檢閱舊志內載 崇聖祠原  
在明倫堂後山腰則居上宅中之本意昭然矣迨嘉靖年  
間移置左側彼時或別有所見亦未可知茲若因陋就簡  
補苴罅漏恐于體制仍未盡符故期望釋奠輒與廣文諱  
君良卿張君清屢議遷修二君咸以爲然於是傳集紳士  
商任厥勞余因捐公帑百金爲多士倡一時踴躍樂助者  
計六百金有奇遂鳩工庀材諏吉於癸未嘉平月二日將  
舊明倫堂粉其垣壁扁以門楹易爲 崇聖祠移奉 五  
王壇位而宅厥中則 先師在天之靈尊祖敬宗之心有  
不爲之怡然快欣然慰也哉此義明而明堂教孝之義符  
矣若夫明倫堂爲敷教之所卽因舊 崇聖祠地爲之增  
其式廓堂之上設屏恭刻聖經率舊章也蓋欲登斯堂者  
目擊道存知講學以明明德爲宗之意也猗歟休哉余所  
謂行之今而盡善按之古而亦善者以此是役也始於癸  
未嘉平月成於甲申仲春諸紳士請余記爰敘巔末並列  
樂助姓氏壽諸貞珉用以告後之尊師重道者是爲記

同治十二年邑紳士於後山增建一進橫三間爲崇聖祠

卽以舊崇聖祠爲明倫堂左一間舊明倫堂故址臥碑在焉順治九年

世祖章皇帝頒立臥碑文曰

朝廷建立學校選取生員免其丁糧厚以廩膳設學院教官以教之各衙門官以禮相待全要養成賢才以供朝廷之用諸生皆當上報國恩下立人品所有教條開列於後

一生員之家父母賢智者子當受教父母愚魯或有非爲者子旣讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互相講究凡利國愛民之事更宜留心

高明縣志

卷之七

學校

三

一生員居心忠厚正直讀書方有實用出治必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長結交勢要希圖進身若果心善德全上天知之必加以福

一生員當愛身忍性凡有官司衙門不可輕入卽有切己之事止許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師長者亦當盡心教訓勿致怠

情

一軍民一切利病不許生員上書陳言如有一言建白以  
違制論黜革治罪

一生員不許糾黨多人立盟結社把持官府武斷鄉曲所  
作文字不許妄行刊刻違者聽提調官治罪

康熙四十年

聖祖仁皇帝立訓飭士子文曰

國家建立學校原以興行教化作育人材興至渥也朕臨御以  
來隆重師儒加意庠序近復慎簡學使釐剔弊端務令風教修  
明賢才蔚起庶幾棧樸作人之意乃比年士習未端儒效罕著

高明縣志

卷之七

學校

十三

雖因內外臣工奉行未能盡善亦由爾諸生積錮已久弊難改  
易之故也茲特親製訓言再加警飭爾諸生其敬聽之從來學  
者先立品行次及文學學術事功源委有敘爾諸生幼聞庭訓  
長列宮牆朝夕誦讀甯無講究必也躬修實踐砥礪廉隅敦孝  
順以事親秉忠貞以立志窮經考業勿雜荒誕之談取友親師  
悉化懦盈之氣文章歸於醇雅毋事浮華軌度式於規繩最防  
蕩軼子衿佻達自昔所譏苟行止有虧雖讀書何益若夫宅心  
弗淑行己多愆或蜚語流言脅制官長或隱糧包訟出入公門  
或峻撥姦猾欺孤凌弱或招呼朋類結社邀盟乃如之人名教  
不容鄉黨勿齒縱幸脫褫扑濫竊章縫返之於衷甯無愧乎況

平鄉會科名乃掄方大典關係尤鉅士子果有真才實學何患  
困不逢年願乃標榜虛名暗通聲氣夤緣詭遇罔顧身家又或  
改竄鄉貫希圖進取囂凌騰沸網利營私種種弊端深可痛恨  
且夫士子出身之始尤貴以正若茲厥初拜獻便已作奸犯科  
則異時敗檢踰閑何所不至又安望其秉公持正爲國家宣猷  
樹績膺後先疏附之選哉朕用嘉惠爾等故不禁反復惓惓茲  
訓言頒到爾等務共體朕心恪遵明訓一切痛加改省爭自濯  
磨積行勤學以圖上進國家三年登造東甬弓旌不虧爾身有  
榮卽爾祖父亦增光寵矣逢時得志甯俟他求哉若仍視爲具  
文玩愒勿傲毀方躍冶暴棄自甘則是爾等冥頑無知終不能  
高明縣志

卷之七

學校

十四

率教也既負栽培復于咎戾王章具在朕亦不能爲爾等寬矣  
自茲以往內而國學外而直省鄉校凡學臣師長皆有司鐸之  
責者並宜傳集諸生多方董勸以副朕懷否則職業勿修咎亦  
難逭勿謂朕言之不預也爾多士尙敬聽之哉

右俱於奉頒後刻石學宮

尊經閣萬歷三十三年左中允區大相力請憲副陳濂知  
縣韓國藩措銀三百兩於儒門左創建生員嚴申禮關志  
賢督理其地係邑人主簿譚喬桂送入學宮遞年春秋丁

祭縣主學官各有胙三斤給其後裔以嘉其義

區大倫記  
道術之行

世也則心之爲神明經之爲記籍也故散之爲六合則一  
白聖人以至於天下萬世而心同聖人宜可以心俟來世

後世求聖於心可以得聖心則聖人之作經奚耶古之道術兆於唐虞夏后之際堯舜禹其隆也三聖人者敘一堂統見知其翼神器而昇聖真未有以嚙喻冥契惟是執中之語道心精一之說以胥詔誠是故舜執厥中而重華繼禹承精一而祇德光蓋聖人相承者道所存者心而所不可廢者言也夫聖之隆也當身而紹統要以忘言相喻則難也矧以喻諸千萬世後乎千萬世願欲付腹臆求聖人於茫昧昏冥而似之其將能乎則洵言之不可一日廢也昔者孔子蓋晚而翼易詮次詩書禮樂作春秋寓王迹並列之為經傳聖人之心以壽道法扶人極於萬世蓋二帝三王之教遠而孔氏之經出其意可知也周之衰也聖人之微言絕其時數百年士之學大抵尊周見謹器數訓故傑裂於綴形似而迷失其真經之明晦盛衰其一會矣泥洄氏之教繼自蕭梁禪那為宗直指徑悟自勝其言空洞泱泱徒取圓通之妙盡乖應用之矩浮罔縱誕者遂多趨焉謂聖人有言之訓盡可蕩埽經之明晦盛衰又一會矣其後千餘年乃有周程兩君子起而正之邇本統辨幾微考信於孔氏天下始聞六經之旨寢淫泉於晚宋訓故增為物理禪那轉為見解鼎立為難異同相舛有誦儒者助之波悍然歷日六經註我嗟乎斯孔子所謂侮聖言者與

高明縣志

卷之七

學校

七

其說流行於今鶩頓喜妙之夫誕心售偽蔑棄典常迦維為師團寂為業楞伽華嚴為寶至乃堯舜周孔之訓易書詩禮記春秋之教反遺跡棄焉學術之壞爛極矣要以六經之維世教其微言寓聖人之心其大義存聖人之制心無時或變故萬世無弊制應時而創故與世推移訓故勵理之學滯回文義泥於制而不視聖人之心故六經與我不相為俗學支離之可病也禪那見解之學謂聖人之制可與推移乃併其微言廢之遂使帝王心政難以復冀於世斯則叛經之流禍也蓋今日學術之害非支離之愚而見解之患矣君子之尊經也宜奚若蓋孔子之誦詩也嘗以一言綜其三百吾取以為法焉是故攝經以心六籍一言而盡矣緣經以證于聖一心而會矣有如學經而反求其所以為心以證姚姒之中躋聖之敬穆考之緝熙姬公之乾惕尼父之洗心神知體備敬和義存懲勸則六經在我一開卷而數聖人者吾心如或見之蓋所謂匪得之書而得自我者可以合六籍為一言可以通于聖為一心可以處於千萬億兆人之中而單騎覲聖可以後聖人千載生皇王君相之略斯焉在矣此吾儒所以尊經也乎吾邑建學百三十餘年萬歷甲辰而經閣經始則憲副陳公之



爲也其年秋邑侯韓君至處公之令作人是任再逾月而閣成焉公曩守端郡其政務德化以治拊循壯老而訓誨子弟嘗修起郡學建閣高要盛有造士之效晉臬嶺西首勤斯學公所拳拳延望我端人士厚矣國家列聖統一聖眞惟經術之爲教公且以其素講之經學嘉進多士韓侯又率諸士日勤講習課藝於斯士生斯時而與起振奮人文之盛可知若進而任于古學脈之重禘堯舜宗夏后湯文禰周孔去禪去俗以閑道而放邪俾六經之效著於當世斯非數聖人之願而三千年以來愉快者乎蓋豪傑自命者當之矣韓侯承公命屬不敏爲之記故樂爲多士誦之因以質政於公且欲與四方同學者共淬礪也公名濂惠安人丙戌進士侯名國藩應天人戊戌進士

國朝康熙初被颶風傾圮瓦木無存二十二年知縣于學捐

俸重建扁曰道在斯尊教諭鄭啟中督理于學記聖教之重乎經也猶星

辰之麗于天江河之流于地不可一日不知知之不可一日不尊尊則人有五倫五倫明斯全乎其爲人而聖人所以垂教天下萬世也在昔高明縣設於明之成化間卽次第建立學宮而尊經閣遂建于萬曆三十三年凡以爲學

高明縣志

卷之七

學校

六

校之設首重明倫以造育人才而人才之鼓舞化導實在於作牧作師之人其鼓舞化導之功全在於明經是以國家明經取士所謂道德文章功業胥於是乎出土君子童而習之習經也壯而行之行經也經明而倫明居于家則孝于親友于兄弟仕於朝則忠君愛民油油本於固然匪僅日博科第取青紫而已昔明時區大相大倫二公同擬巍科至今讀其聖學勸學諸疏原學主敬諸文其言學以成性亦以成聖性本一而或失於初以至於去聖日遠始不能不假於序學校之教衰而學術亦裂旨哉言乎後學道又曰自庠序學校之教衰而學術亦裂旨哉言乎後學所當佩服而羹牆之也學之尊經閣自兵燹來日就傾圮雖明邑士子科第相綿而視昔二區公之道德文章功業則無所聞作牧作師者不亦滋愧耶學也承乏斯邑卽於康熙癸亥商於教諭鄭君啟中量捐薄俸不苛於人不擾於民鳩工庀材閱歲餘落成而舉然翰奩焉嗟夫嘗考周官葺瓦因倉之微猶悉書之況學校首善之地乎今而後學與啟中也願邑中多士知經之尊而式瞻斯閣之重新焉猶夫仰星辰之麗于天睹江河之流于地明經以明倫將來道德文章功業遠追二區公之盛是深有望於多士也於是乎記其董理諸君子並鐫名于左時康熙二十五年

年丙寅 孟秋 乾隆十一年知縣沈文煥重修四十五年知縣于煌教諭劉達成訓導曾希甫暨邑紳士重修咸豐九年客賊擾亂毀拆為平地同治十二年邑紳士仍舊基重建以尊藏書籍

康熙二十五年奉頒

聖諭十六條敦孝弟以重人倫篤宗族以昭雍睦和鄉黨以息爭訟重農桑以足衣食尚節儉以惜財用隆學校以端士習黜異端以崇正學講律法以儆愚頑明禮讓以厚風俗務本業以定民志訓子弟以禁非為息誣告以全良善戒窩逃以免株連完錢糧以省催科聯保甲以彌盜賊解仇忿以重身

高明縣志

卷之七

學校

十七

命

雍正八年

御頒大義覺迷錄

四書大全一部

五經大全一部

制誥一部

五倫書一部

性理大全一部

通鑑綱目一部

律一部

視聽言動心五箴

大學衍義補一部

一統志一部

漢書一部

十九史一部

孝順事實一部

文公家禮一部

近思錄一部

小學大全一部

官制一部

羣書一覽一部

謹案舊志所載奉頒各書籍兵燹後散佚無存

射圃在明倫堂後山東向深二十丈廣三丈四尺成化十五年知縣唐簡闢設知縣陳富春建亭三間西向康熙二十六年知縣于學查復原址尙未修復

教諭衙原在殿堂西教諭李士文遷於戟門左前後二進各五間知縣陳竣修知縣徐純修萬曆四十八年知縣陳京璧教諭全稟中修崇禎八年教諭余奕黃修順治八年教諭王孫樞重建三進各三間匾曰玉堂外署

高明縣志

卷之七

學校

六

訓導衙在殿堂西前後二進各五間訓導蔡龍改建

學宮坐亥向巳兼壬丙以碧玉山爲後展山體端聳圓潤靈秀所鍾不可鋤挖損破以致矮小道光三年閩縣紳士將山東西南北自麓至頂南至楊黃北至謝康東至崔杜西至楊溫羅立界清丈週圍山腳闊共壹佰陸拾叁步其十字穿心直量由南而北肆拾伍步由東至西叁拾叁步約稅陸畝捌分陸釐另西邊來龍自大街巷口通上學岡約稅肆分零俱永爲 文廟後山公佔地舊誌 崇聖祠射圃皆在山所如有越界墾佔損挖必鳴衆攻之以護地靈而產人傑前乾隆年間有李某

將來龍巷口地段佔創屋宇經訟拆毀有案

大成殿內恭懸康熙二十三年

御頌萬世師表額 雍正四年

御頌生民未有額 乾隆三年

御頌與天地參額 嘉慶四年

御頌聖集大成額 道光元年

御頌聖協時中額 咸豐元年

御頌德齊疇載額 同治二年

御頌聖神天縱額 光緒元年

御頌斯文在茲額

高明縣志

卷之七

學校

九

殿內正位奉

至聖先師孔子

唐贈文宣王宋諡至聖文宣王明嘉靖九年稱至聖先師孔子

東配

復聖顏子

名回字子淵魯人唐贈兗公宋封兗國公元封兗國復聖公明嘉靖九年稱復聖顏子

述聖子思子

名伋孔子孫宋封沂水侯改封祈國公元封沂國述聖公明改稱述聖子思子

西配

宗聖曾子

名參字子輿魯南武城人唐贈郕伯宋封瑕邱侯改封郕國公元封郕國宗聖公明改稱宗聖曾子

亞聖孟子

名軻字子輿鄒人宋封鄒國公元封鄒國亞聖公明改稱亞聖孟子

以上配位宋元以前皆稱封爵明嘉靖九年改今稱

國朝因之

東哲

先賢閔子

名損字子騫魯人唐贈費侯宋封瑯琊公改稱費公明改稱先賢

先賢冉子

名雍字仲弓魯人唐贈薛侯宋封下邳公改封薛公

先賢端木子

名賜字子貢衛人唐贈黎侯宋封黎陽公改封黎公

先賢仲子

名由字子路卞人唐贈衛侯宋封河內公改封衛公

先賢卜子

名商字子夏衛人唐贈魏侯宋封河東公改封魏公

先賢有子

名若字子若魯人唐贈卞伯宋封平陰侯 國朝乾隆三年升列哲位

西哲

先賢冉子

名耕字伯牛魯人唐贈郕侯宋封東平公改封郕公

先賢宰子

名予字子我魯人唐贈齊侯宋封臨淄公改封齊公

高明縣志

卷之七

學校

三

先賢冉子

名求字子有魯人唐贈徐侯宋封彭城公改封徐公

先賢言子

名偃字子游吳人唐贈吳侯宋封丹陽公改封吳公

先賢顓孫子

名師字子張陳人唐贈陳伯宋封宛邱侯後封潁川侯咸淳三年升列哲位封陳公

先賢朱子

名熹字元晦宋徽州婺源人諡曰文封徽國公清祐元年從祀 國朝康熙五十一年升列西哲之

次

以上哲位宋以前皆稱封爵明嘉靖九年改稱先賢某子

國朝因之有子朱子升列哲位稱從一例

東廡

先賢公孫僑

字子產鄭人 國朝咸豐七年從祀

先賢林放

字子邱魯人唐贈清河伯宋封長山侯明嘉靖九年改祀於鄉 國朝雍正二年復祀

先賢原憲

字子思魯人唐贈原伯宋封任城侯

先賢南宮适

字子容魯人唐贈郊伯宋封龔邱侯改封汶陽侯

先賢商瞿

字子木魯人唐贈蒙伯宋封須昌侯

先賢漆雕開

字子若魯人唐贈滕伯宋封平輿侯

先賢司馬耕

字子牛宋人唐贈向伯宋封楚邱侯改封睢陽侯

先賢梁鱣

字叔魚魯人唐贈梁伯宋封千乘侯

先賢冉孺

字子魯魯人唐贈郟伯宋封臨沂侯

先賢伯虔

字子皙魯人唐贈鄒伯宋封沐陽侯

先賢冉季

字子產魯人唐贈東平伯宋封諸城侯

先賢漆雕徒父

字子有魯人唐贈須句伯宋封高苑侯

高明縣志

卷之七

學校

三

先賢漆雕哆

字子斂魯人唐贈武城伯宋封濮陽侯

先賢公西赤

字子華魯人唐贈郚伯宋封鉅野侯

先賢任不齊

字子選楚人唐贈任城伯宋封當陽侯

先賢公良孺

字子正陳人唐贈東牟伯宋封牟平侯

先賢公肩定

字子申魯人唐贈新田伯宋封梁父侯

先賢鄒單

字子家魯人唐贈銅鞮伯宋封聊城侯

先賢罕父黑

字子索魯人唐贈乘邱伯宋封祈鄉侯

先賢榮旂

字子祺魯人唐贈零婁伯宋封厭次侯

先賢左人郢

字子行魯人唐贈臨淄伯宋封南華侯

先賢鄭國

字子徒魯人唐贈萊陽伯宋封胸山侯

先賢原亢

字子籍魯人唐贈萊蕪伯宋封樂平侯

先賢廉潔

字子曹衛人唐贈莒父伯宋封胙城侯

先賢叔仲會

字子期魯人唐贈瑕邱伯宋封博平侯

先賢公西與如

字子上魯人唐贈重邱伯宋封臨朐侯

先賢邾巽

字子斂魯人唐贈平陸伯宋封高堂侯

先賢陳亢

字子禽陳人唐贈穎伯宋封南頓侯

先賢琴張

字子開衛人唐贈南陵伯宋封頓邱侯改封陽平侯

先賢步叔乘

字子車齊人唐贈清于伯宋封博昌侯

先賢秦非

字子之魯人唐贈沂陽伯宋封華亭侯

先賢顏噲

字子聲魯人唐贈朱虛伯宋封濟陰侯

高明縣志

卷之七

學校

三

先賢顏何

字冉魯人唐贈開陽伯宋封堂邑侯明嘉靖九年罷祀國朝雍正二年復祀

先賢縣亶

字子象魯人唐宋封爵未詳明嘉靖九年罷祀國朝雍正二年復祀

先賢牧皮

力牧之後國朝雍正二年從祀

先賢樂正克

魯人宋政和五年配享孟廟封利國侯國朝雍正二年從祀

先賢萬章

齊人宋政和五年配享孟廟封博興伯國朝雍正二年從祀

先賢周敦頤

字茂叔宋道州營道人諡日元淳祐元年從祀封汝南伯國朝雍正二年改稱先賢

先賢程顥

字伯淳宋河南洛陽人諡日純淳祐元年從祀封河南伯國朝雍正二年改稱先賢

先賢邵雍

字堯夫宋河南人諡康節咸淳三年從祀封新安伯國朝雍正二年改稱先賢

先儒公羊高

周末齊人唐貞觀二十一年從祀宋祥符封臨淄伯明嘉靖九年改稱先儒

先儒伏勝

字子賤秦齊南人唐貞觀二十一年從祀宋封乘氏伯

先儒毛亨

漢河間人

國朝同治二年從祀

先儒孔安國

字子國孔子十一世孫漢博士唐貞觀二十一年從祀宋封曲阜伯

先儒后蒼

字近君漢東海郊人明嘉靖九年從祀

先儒許慎

字叔重東海汝南召陵人

國朝光緒二年從祀

先儒鄭康成

不書名謹遵 廟諱東漢高密人唐貞觀二十一年從祀宋封高密伯明嘉靖九年改祀於鄉

國朝雍正二年復祀

先儒范甯

字武子晉南陽順陽人封陽遂侯唐貞觀二十一年從祀宋封新野伯明嘉靖九年改祀於鄉

國朝雍正二年復祀

先儒陸贄

字敬輿唐蘇州嘉興人諡曰宣 國朝道光六年從祀

先儒范仲淹

字希文宋蘇州吳縣人封汝南公諡文正後追封楚國公 國朝康熙五十四年從祀

高明縣志

卷之七

學校

三

先儒歐陽修

字永叔宋廬陵人諡文忠明嘉靖九年從祀

先儒司馬光

字君實宋陝州夏縣人贈溫國公諡文正咸淳三年從祀元皇慶二年復祀

先儒謝良佐

字顯道宋上蔡人 國朝道光二十九年從祀

先儒羅從彥

字仲素宋豫章南劍人諡文質明萬曆四十二年從祀

先儒李綱

字伯紀宋邵武人 國朝咸豐元年從祀

先儒張栻

字敬夫號南軒宋漢川綿竹人諡曰宣景定二年從祀封華陽伯元皇慶二年復祀

先儒陸九淵

字子靜號象山宋撫州金谿人諡文安明嘉靖九年從祀

先儒陳淳

字安卿宋漳州龍溪人 國朝雍正二年從祀

先儒真德秀

字景元號西山宋浦城人諡文忠元至正二十二年封福國公明正統元年從祀成化三年封

浦城伯



先儒何基

字子恭宋婺州金華人諡文定 國朝雍正二年從祀

先儒文天祥

字宋瑞號文山宋廬陵人 國朝道光二十三年從祀

先儒趙復

字仁甫號江漢元九江德安人 國朝雍正二年從祀

先儒金履祥

字吉父號仁山元蘭谿人諡文安 國朝雍正二年從祀

先儒陳澧

字可大元南康都昌人 國朝雍正二年從祀

先儒方孝孺

字希直號正學明甯海人 國朝同治二年從祀

先儒薛瑄

字德溫號敬軒明河津人諡文清隆慶五年從祀

先儒胡居仁

字叔心號敬齋明江西餘干人諡文敬 萬曆十二年從祀

先儒羅欽順

字允升號整菴明江西泰和人諡文莊 國朝雍正二年從祀

先儒呂柟

字仲木明陝西高陵人諡文簡 國朝同治二年從祀

高明縣志

卷之七

學校

三

先儒劉宗周

字起東號念臺明浙江山陰人諡忠介 國朝道光二年從祀

先儒孫奇逢

字啟泰號夏峰明容城人 國朝道光八年從祀

先儒張履祥

字考夫一字念芝桐鄉人 國朝同治十一年從祀

先儒陸隴其

字稼書 國朝浙江平湖人諡清獻雍正二年從祀

先儒張伯行

字孝先 國朝儀封人諡清恪光緒四年從祀

西廡

先賢蘧瑗

字伯玉衛人唐贈衛伯宋封內黃侯明嘉靖九年改祀於鄉 國朝雍正二年復祀

先賢澹臺滅明

字子羽魯武城人唐贈江伯宋封金鄉侯

先賢宓不齊

字子賤魯人唐贈單伯宋封單父侯

先賢公冶長

字子長齊人唐贈莒伯宋封高密侯

先賢公皙哀

字季次齊人唐贈郟伯宋封北海侯

先賢高柴

字子羔齊人唐贈共伯宋封共城侯

先賢樊須

字子遲魯人唐贈樊伯宋封益都侯

先賢商澤

字子季魯人唐贈睢陽伯宋封鄒平侯

先賢巫馬施

字子期陳人唐贈鄒伯宋封東阿侯

先賢顏辛

字子柳魯人唐贈蕭伯宋封陽穀侯

先賢曹卹

字子循蔡人唐贈豐伯宋封上蔡侯

先賢公孫龍

字子石衛人唐贈黃伯宋封枝江侯

先賢秦商

字子丕魯人唐贈上洛伯宋封馮翊侯

先賢顏高

字子驕魯人唐贈瑯琊伯宋封雷澤侯

高明縣志

卷之七

學校

三五

先賢壤駟赤

字子徒秦人唐贈北徵伯宋封上邽侯

先賢石作蜀

字子明秦人唐贈郿邑伯宋封成紀侯

先賢公夏首

字子乘魯人唐贈亢父伯宋封鉅平侯

先賢后處

字子里齊人唐贈營邱伯宋封膠東侯

先賢奚容蒧

字子皙衛人唐贈下邳伯宋封濟陽侯

先賢顏祖

字子襄魯人唐贈臨沂伯宋封富陽侯

先賢句井疆

字子疆衛人唐贈淇陽伯宋封滏陽侯

先賢秦祖

字子南秦人唐贈少梁伯宋封鄆城侯

先賢縣成

字子祺魯人唐贈鉅野伯宋封武城侯

先賢公祖句茲

字子之魯人唐贈期思伯宋封卽墨侯

先賢燕伋

字子思秦人唐贈漁陽伯宋封沂源侯

先賢樂欬

字子聲魯人唐贈昌平伯宋封建城侯

先賢狄黑

字皙之衛人唐贈臨濟伯宋封林慮侯

先賢孔忠

字子蔑孔子兄之子唐贈汶陽伯宋封鄆城侯

先賢公西蒧

字子尙魯人唐贈祝阿伯宋封徐城侯

先賢顏之僕

字子叔魯人唐贈東武伯宋封宛句侯

先賢施之常

字子恆魯人唐贈乘氏伯宋封臨濮侯

先賢申枏

字子周魯人唐贈魯伯宋封文登侯

先賢左邱明

魯中都人唐貞觀二十一年從祀宋封瑕邱伯

正二年升  
列先賢

高明縣志

卷之七

學校

三

先賢秦冉

字子開魯人唐贈彭衙伯宋封新息侯明嘉靖九年罷祀國朝雍正二年復祀

先賢公明儀

魯南武城人國朝咸豐三年從祀

先賢公都子

齊人宋政和五年配享孟廟封平陰伯國朝雍正二年從祀

先賢公孫丑

齊人宋政和五年配享孟廟封壽光伯國朝雍正二年從祀

先賢張載

字子原號橫渠宋郿縣人諡曰明道祐元年從祀

先賢程頤

字正叔號伊川宋河南洛陽人諡曰正淳祐元年從祀

嘉正二年  
改稱先賢

先儒穀梁赤

字元始周末魯人唐貞觀二十一年從祀宋封

先儒高堂生

秦末魯人唐貞觀二十一年從祀宋封萊蕪伯

先儒董仲舒

字寬夫漢廣川人元至順元年從祀明洪武二

十九年封江都伯成化二年封廣川伯

先儒劉德

漢河間獻王

國朝光緒三年從祀

先儒毛萇

字長公漢趙人唐貞觀二十一年從祀宋封樂壽伯

先儒杜子春

漢河南緱氏人唐貞觀二十一年從祀宋封緱氏伯

先儒諸葛亮

字孔明漢瑯琊陽都人封武鄉侯諡忠武元至治二年加封王爵國朝雍正二年從祀

先儒王通

字仲淹隋河東龍門人私諡文中子明嘉靖九年從祀

先儒韓愈

字退之唐鄆州南陽人諡曰文宋神宗元豐七年從祀贈昌黎伯

先儒胡瑗

字翼之宋泰州海陵人諡文昭端平二年從祀明嘉靖九年復祀

先儒韓琦

字稚圭宋安陽人諡忠獻國朝咸豐二年從祀

先儒楊時

字中立號龜山宋南劍將樂人諡文靖元至正二十二年封吳國公明宏治九年從祀封將樂伯

先儒游酢

字定天宋建州建陽人國朝光緒十八年從祀

高明縣志

卷之七

學校

二十七

先儒尹焯

字彥明宋洛人國朝雍正二年從祀

先儒胡安國

字康侯宋建甯崇安人諡文定元至正二十二年封楚國公明正統元年從祀成化三年封建

甯伯

先儒李侗

字愿中號延平宋南劍州劍浦人元至正二十二年追封越國公明萬歷四十二年從祀

先儒呂祖謙

字伯恭號東萊宋婺源人諡曰成嘉熙三年改諡忠亮景定二年從祀封開封伯

先儒袁燮

字叔和宋鄞縣人國朝同治七年從祀

先儒黃幹

字直卿號勉齋宋閩縣人諡文肅國朝雍正二年從祀

先儒輔廣

字漢卿宋人國朝光緒五年從祀

先儒蔡沈

字仲默號九峯宋建州建陽人贈榮國公諡文正元至正二十二年追封建國公明正統元年從祀

成化二年封崇安伯

先儒魏了翁字華父宋蒲江人諡文靖 國朝雍正二年從祀

先儒王柏字會之號魯齋宋婺州金華人諡文憲 國朝雍正二年從祀

先儒陸秀夫字君實宋江南鹽城人 國朝咸豐九年從祀

先儒許衡字仲平元河內人諡文正至大二年封魏國公皇慶二年從祀

先儒吳澄字幼清宋撫州崇仁人元諡文正封臨川郡公明正統八年從祀嘉靖九年罷祀 國朝乾隆二年

復祀

先儒許謙字益之元婺州金華人諡文懿 國朝雍正二年從祀

先儒曹端字正夫號月川明河南澠池人 國朝咸豐十年從祀

先儒陳獻章字公甫號白沙明廣東新會人諡文恭萬曆十二年從祀

先儒蔡清字介夫號虛齋明福建晉江人諡文莊 國朝雍正二年從祀

高明縣志

卷之七

學校

二十六

先儒王守仁字伯安號姚江明浙江餘姚人封新建伯諡文成萬曆十二年從祀

先儒呂坤字叔簡號新吾明河南甯陵人 國朝道光六年從祀

先儒黃道周字幼平號石齋明福建章浦人諡忠端 國朝道光五年從祀

先儒陸世儀字道威號桴亭 國朝太倉州人光緒元年從祀

先儒湯斌字孔伯號潛菴 國朝睢州人諡文正道光三年從祀

以上先賢位宋以前從祀者皆稱封爵明嘉靖九年改稱先賢某子先儒位嘉靖以前皆稱封爵嘉靖九年改稱先

儒某子

國朝稱先賢先儒不稱子

崇聖祠奉

肇聖王木金父 中位

裕聖王祈父 左一位

貽聖王防叔 右一位

昌聖王伯夏 左二位

啟聖王叔梁紇 右二位

東廡

先賢孔氏孟皮 字伯尼孔子之兄孔忠之父 國朝咸豐七年配享

先賢顏氏 名無繇字季路唐贈杞伯宋封曲阜侯元封杞國公諡文裕明嘉靖九年配享

先賢孔氏 名鯉字伯魚宋封泗水侯明嘉靖九年改配享

西廡

高明縣志

卷之七

學校

三

先賢曾氏 名點字子皙唐贈宿伯宋封萊蕪侯明嘉靖九年配享

先賢孟氏 名激字公宜元延祐三年封邾國公明嘉靖九年配享

東廡

先儒周氏 名輔成敦頤之父明萬歷二十三年從祀

先儒程氏 名珦字伯溫頤之父明嘉靖九年從祀 國朝

先儒蔡氏 名元定字季通沈之父明嘉靖九年從祀 國朝

西廡

先儒張氏 名迪載之父 國朝雍正二年從祀

先儒朱氏 名松字喬年號韋齋熹之父元至正二十二年從祀 國朝嘉靖九年從祀 國朝雍正元年復祀

以上先賢先儒位明嘉靖時稱先賢某氏先儒某氏

國朝因之

文廟崇祀源流考

昔魯哀公十七年立廟故宅祀孔子此為廟祀之始漢高  
帝十二年過魯以太牢祀孔子封九代孫騰為奉祀君此  
祀孔子奉聖裔之始元帝封十三代孫霸褒成君爵關內  
侯此世爵之始平帝元始元年追諡孔子為褒成宣尼公  
此諡孔子之始東漢明帝永平二年合學校皆祀周公孔  
子此學校祀孔子之始十五年東巡至魯祀孔子及七十  
二弟子此弟子從祀之始桓帝元嘉三年置百石卒史一  
人掌領禮器此聖廟設官之始魏正始七年以太牢祭孔  
子於辟雍以顏淵配此顏子配享之始晉成帝咸康元年  
帝釋奠於國學此天子親祭之始南宋文帝元嘉二十二  
年釋奠樂用登歌此用樂之始南齊武帝永明三年設軒  
轅之樂六佾之舞此用舞之始北齊之制新立學必釋奠  
每歲春秋二仲常行其禮每月且行禮郡學亦每月初此  
春秋釋奠朔日行香之始隋文帝仁壽元年制國子寺歲  
以四仲上丁釋奠州郡學以春秋仲月此丁祭之始唐太  
宗貞觀二十一年詔以左邱明公羊高穀梁赤伏勝高堂  
生毛萇孔安國杜子春鄭康成范甯等二十二代人代用其

高明縣志

卷之七

學校

三

書可並配享孔宣父廟堂此先儒從祀之始高宗總章元  
年贈顏子太子少師曾子太子少保並配享此曾子配享  
之始明皇開元八年初定十哲配祀孔子廟此十哲配享  
之始二十七年追諡孔子為文宣王賜弟子公侯伯爵以  
孔子後為文宣公此孔子稱王聖裔襲公之始後周太祖  
廣順二年帝如曲阜拜孔子又拜其墓此天子親拜之始  
宋眞宗大中祥符元年追封聖父齊國公賜諡曰宣太  
夫人配元官氏鄆國夫人此聖王封爵之始五年改諡孔  
子曰至聖文宣王此稱至聖之始仁宗至和二年改封至  
聖文宣王四十六代孫宗愿為衍聖公此稱衍聖公之始  
神宗元豐七年增孟子配享列韓愈於此孟子配享之  
始徽宗崇寧三年詔文宣王殿以大成為名此稱大成殿  
之始大觀二年詔繪子思子像從祀於左邱明二十四賢  
之間此子思配享之始理宗端平二年詔并子思於十哲  
清祐元年詔以周敦頤張載程顥程頤朱熹從祀此當代  
從祀之始景定二年詔以張栻呂祖謙從祀此宋咸淳三  
年以邵雍司馬光從祀升曾參子思與顏孟並配享此四  
配之始升顏孫師於十哲此子張升哲之始金章宗明昌  
三年詔臣庶迴避周公孔子之名此人名避聖諱之始元  
仁宗皇慶二年以許衡從祀文宗至順元年加封聖父為

啟聖王封顏子充國復聖公會子鄰國宗聖公子思沂國  
述聖公孟子鄒國亞聖公此聖父稱王四配從聖稱之始  
是年列董仲舒從祀明太祖洪武四年更定祭器禮物各  
置高案此改席地置高案之始二十六年頒大成樂於天  
下此郡縣學用樂舞之始正統二年以宋胡安國蔡沈真  
德秀從祀孝宗宏治九年以宋楊時從祀世宗嘉靖九年  
更定祀典尊孔子曰至聖先師祀用木主四配稱子子哲  
七十二賢稱先賢左邱明以下稱先儒俱易公侯伯號此  
稱至聖先師配祀稱子從祀稱先賢先儒之始是年別立  
啟聖祠祀啟聖公此祀聖父之始以先賢顏無繇曾點孔  
鯉孟孫激配先儒程珦朱松蔡元定從祀此先賢父配祀  
啟聖祠之始又是年以漢后蒼隋王通宋胡瑗歐陽修陸  
九淵從祀穆宗隆慶五年以薛瑄從祀神宗萬曆十二年  
以陳獻章胡居仁王守仁從祀二十三年以宋周輔成從  
祀啟聖祠四十七年以宋羅從彥李侗從祀莊烈崇禎十  
五年升先儒左邱明及周子二程子張子邵子朱子改稱  
先賢

國朝

世祖章皇帝順治元年定月朔及進士釋褐釋菜禮月望行香  
儀九年

高明縣志

卷之七

學校

三

上臨雍親祭行兩跪六拜禮

聖祖仁皇帝康熙二十三年

上幸闕里釋奠行三跪九拜禮

御書萬世師表額頌闕里及天下學宮此頌額之始四十九年

詔直省同職大小武職一體入文廟行禮此武職行禮之始五

十一年升朱子列西哲之次朱子升哲之始五十四年

以宋范仲淹從祀

世宗憲皇帝雍正二年

詔改幸學堂為學此稱詣學之始釐定兩廡先賢先儒復林放

蘧瑗秦冉顏何鄭康成范甯從祀增縣廩牧皮樂正克公

都子萬章公孫丑諸葛亮尹焯黃幹陳淳魏了翁何基王

柏趙復金履祥許謙陳澧羅欽順蔡清陸隴其從祀又以

張迺從祀啟聖祠是年

冊封先師五代王爵更啟聖祠曰崇聖祠此五代合祀崇聖祠

更名之始定直省府州縣學附建忠義孝弟及節孝祠三

年

詔避聖諱除五經四書外俱作聖字此臨文避聖諱之始

詔郡縣丁祭用太牢此郡縣用太牢之始四年

上親詣太學釋奠凡進爵帛皆跪獻此跪獻之始

御書生民未有額照前頒發五



詔遇八月二十七日至聖誕辰致齋一日不理刑名禁屠宰此聖誕齋戒之始

高宗純皇帝乾隆三年御書與天地參額頌各學復吳澄從祀升有子於東哲之次此

有子升哲之始十八年詔定先賢先儒神牌位次

仁宗睿皇帝嘉慶四年御書聖集大成額頌各學

宣宗成皇帝道光元年御書聖協時中額頌各學二年

詔以劉宗周從祀三年以湯斌從祀五年以黃道周從祀六年以陸贄呂坤從祀八年以孫奇逢從祀二十三年以文天

祥從祀二十九年以謝良佐從祀文宗顯皇帝咸豐元年

御書德齊懋載額頌各學詔以李綱從祀二年以韓琦從祀三年以公明儀從祀七年以

公孫僑從祀增聖兄孟皮配享崇聖祠九年以陸秀夫從祀十年以曹端從祀

穆宗毅皇帝同治二年以毛亨呂柟方孝孺從祀頒發文廟祀位次序圖說

### 高明縣志

### 卷之七

學校

三

御書聖神天縱額頌各學七年以袁燮從祀十一年以張履祥從祀

皇上御極光緒元年御書斯文在茲額頌各學以陸世儀從祀二年以許慎從祀三

年以劉德從祀四年以張伯行從祀五年以輔廣從祀十八年以游酢從祀典禮修明至我

朝為極盛矣

名宦祠祀知縣唐簡周瓚陳富春陳儼熊德揚張國城鈕

琇教諭李士文訓導練益

鄉賢祠祀宋李英梁順孫譚惟寅明葉貞區益區大相區

大倫譚大甯

節孝祠在名宦祠右

土地祠在名宦祠左乾隆三十三年遷在教諭衙門樓外

西向

學額

前明崇禎十年定學額每考取入五十名

國朝初以中縣取入學二十五名後定額每考取入十二名  
嘉慶年間被外來客籍佔額二名迨同治年間永加廣額  
二名現得實額十二名另撥充府學或科三歲五無定額  
武學額十二名

廩膳增廣生員各二十名二年一貢以廩生食餼年久者  
充之恭遇 特恩將是年正貢作 恩貢次貢作歲貢不  
值貢期則以次貢改充 恩貢以再次貢作歲貢

高明縣志

卷之七

學校

三

禁革異籍冒考碑

特授肇慶府高明縣正堂加一級霍 爲奉 憲勒石永  
垂遵照事乾隆三十五年七月初三日據生員譚瑛崔夢  
元楊德仁劉芬謝孔福莫世肩程誥梁用舒羅光宇等爲  
冒籍有據事赴 撫部院呈控客童謝國佐等懇飭收考  
明試一案並將混冒邑籍報捐監生之楊廷香楊廷拔等  
先經貢生黃洪祚生員莫九成區金鼎譚鍾奇劉恩取楊  
作先陸夢雷李天聰楊勤修謝綸等稟縣查撥在案一並  
籲請 憲恩飭撥回籍奉批謝國佐等已據司詳仍歸原  
籍應試業經批允在案候行縣勒石永爲遵守至楊廷香

楊廷拔等應否一並撥回原籍仰布政司速查詳奪等因奉檄轉飭到縣速將謝國佐等撥回原籍之處查明詳案勒石遵守仍具碑摹送查緣與楊廷香等事同一例合行遵照原奉批行疊仰飭催先今事理並將楊廷香等查議申覆候憲核轉詳奉批回一並勒石茲於乾隆三十七年八月二十三日奉本府正堂高信牌乾隆三十七年八月十三日奉布政司姚憲牌乾隆三十七年八月初二日奉巡撫廣東部院批本司呈詳高明縣寄籍監生楊廷香楊廷拔撥回原籍一案緣由奉批如詳轉飭遵照立將楊廷香楊廷拔原捐各照敘具妥詳請咨更換再此外有無似

此者亦卽一並查明換給仍卽與客童謝國佐等撥回原籍之處一並勒石宮墻永杜冒籍以息訟端毋違計粘詳看一紙內敘該司查得高明縣寄籍監生楊廷香等撥回原籍一案緣貢生楊宗嶽同姪楊廷香楊廷拔均原籍嘉應州平遠縣人乾隆五年楊宗嶽始遷居恩平卽冒恩籍捐監嗣復捐貢又復僑居高明縣北路官逕村乾隆三十三年其胞姪楊廷香楊廷拔先後冒高明籍捐納監生隨據高明生員譚瑛等赴憲轅呈請飭撥回原籍奉檄行司查詳茲行據該府縣議詳覆前來本司伏查寄籍高明客童謝國佐等先經前署司詳奉憲台批允撥歸嘉應

州原籍考試在案所有冒高明籍貫捐納之楊廷香楊廷  
拔與冒恩平籍捐貢之楊宗嶽均事同一例應如該府縣  
所議撥歸原籍平遠縣以杜混冒候奉批回飭令將執監  
各照呈繳詳請咨明部監更正換給並令該縣同謝國佐  
等撥回原籍之處一並勒石宮牆永遠遵守等因轉行到  
縣奉查除將謝國佐等卽備文冊撥回原籍嘉應州收考  
外合並勒石永杜冒籍須至碑者

賜進士出身文林郎特授廣東肇慶府高明縣加一級霍儀泰  
乙卯舉人截選知縣現任高明縣儒學教諭李君玉  
歲進士特授高明縣儒學訓導劉紹基

高明縣志

卷之七

學校

三五

乾隆三十七年歲次壬辰孟冬穀旦立

特授高明縣正堂加三級紀錄五次又加二級于煌爲奉

憲勒石永遠遵照事乾隆四十三年八月十六日奉本

府正堂朱 信牌乾隆四十三年七月三十日奉布政使

司姚 憲牌乾隆四十三年七月十三日奉 巡撫廣東

部院李批本司呈請高明縣咨童謝國佐等呈請入籍應  
試一案緣由奉批如詳轉飭分別移回原籍收考毋得在  
寄籍地方應試致有騎考滋事干究繳又奉 總督兩

廣部堂桂批同前詳奉批仰候 撫部院批示錄報繳

等因奉此合就飭行備牌行府仰縣照依奉批詳內事理

卽將客童謝國佐李義芳等查照原籍縣分分別造冊移回收考并飭該童等嗣後毋得冀圖在寄籍地方應試以杜騎考之弊仍將移回日期及各童姓名彙冊通報備案均毋有違計粘抄詳案一紙內開本司查看得高明縣客童謝國佐等呈請入籍應試一案緣謝國佐之父謝元位原籍嘉應乾隆十一年間揭眷寄居高明縣屬南庄園置有田產乾隆二十七年開列謝昌慶戶名完糧乾隆二十二年謝國佐等以寄籍在二十年以上呈請入籍高明應試經前縣田令查明該童等均有原籍可歸牒明嘉應州收考批令各回原籍應試謝國佐隨赴肇羅道衙門呈控

批行該縣又經前縣李令詳請仍照田令原案辦理迨乾隆三十五年該童謝國佐等匿情又赴前憲具控奉批查議當經轉行查詳嗣據肇慶府轉據高明縣備敘全案查議詳覆經前署司據由覈議詳奉前憲批允轉飭遵照仍令撥回原籍嘉應州考試不得在寄籍地方冒考續據查有在高明縣寄籍報捐之監生楊廷香等又經本司詳請咨部另換監照收執并照案勒石宮牆永遠遵守各在案至乾隆四十年該童謝國佐謝國瑞謝天寵謝參英謝桂英等以奉有部行寄籍客民分別有無嫡親伯叔兄弟及本人名下有無田產屋廬准其人籍新例冀圖翻易

前案并與李義芳李習芳李水保及新興縣童生黃宗啟  
黃宗發何秀海何超士何超凡何超羣長寧縣童生葉文  
潛葉文賡等赴高明縣具呈復赴本司具控批飭遵所議  
杖罪事在

恩詔前例應援免

乾隆四十五年歲次庚子孟冬穀旦立

布政司陳大文禁革冒籍騎考詳文碑

為違例擺詳等事除將案由另繕書冊外該本司陳查看  
得高明縣舉人羅縝等控告謝國佐黃宗啟何秀海李仁  
芳葉常華等冒籍騎考報捐一案緣謝國佐之父謝元位

高明縣志

卷之七

學校

三七

於乾隆十一年由嘉應州遷居高明黃宗啟之曾祖黃翰  
登與何秀海之父何俊儒均於乾隆九年由新興遷居高  
明又李仁芳之祖李新德於乾隆九年由嘉應州遷居高  
明又葉常華即葉文睿之父葉開爵兄葉文潛葉文賡於  
乾隆七年由惠州府長寧縣遷居高明謝元位於乾隆十  
一年在高明買田畝餘至二十年寄戶崎吟邱梁興印  
二十七年開立謝昌慶戶名完糧二十二年謝國佐與謝  
國瑞謝天寵謝參英謝桂英在高明縣呈請入籍考試被  
高明生監譚瑛等以該童等有籍可歸赴縣控阻經前高  
明縣出令移明原籍嘉應州仍歸原籍收考迨三十五年

謝國佐等赴前撫憲具控奉批前司查議當經前署司轉  
飭錄案據由核議詳奉前憲批允撥回原籍嘉應州考試  
續據查有高明寄籍報捐之監生楊廷香等又經前司詳  
請咨部另換監照收執並照案勒石遵守在案嗣於乾  
隆四十年該童謝國佐等與李義芳李習芳李水保及原  
籍新興縣童生黃宗啟黃宗發何秀海何超士何超凡何  
超羣原籍長寧縣童生葉文潛葉文賡因奉有寄籍客民  
入籍新例遂聯名赴前司接請入籍轉行該縣府查覆該  
童等均有原籍可歸請一體分別移回原籍收考經姚前  
司照議詳奉前憲批允飭遵在案乾隆四十六年黃宗啟

何秀海李仁芳均以高明寄籍捐監復赴前撫憲呈請定  
籍高明邑生員區東藩等亦以黃宗啟等冒籍佔考等情  
具控奉批飭府提訊嗣據肇慶府訊覆經鄭前司照案議  
詳請將客童黃宗發何超士李義芳等飭令撥回原籍收  
考其在高明捐監之黃宗啟何秀海李仁芳三名請咨換  
給原籍執照詳奉前撫憲批飭備移肇羅道提訊另詳嗣  
准閩前道訊明移覆議將原籍嘉應之謝國佐謝國瑞李  
義芳李仁芳李習芳李水保等准其入籍高明考試其原  
籍新興之黃宗啟黃宗發何秀海何超士何超凡何超羣  
等與本籍鄰近應撥回新興縣收考等由經姚前司以咨

民入籍例無分別遠近移回另議嗣又准阿前道移覆議將謝國佐等概照原案撥回原籍考試其捐監之黃宗啟何秀海李仁芳請換執照等因經許前司以謝國佐等復赴前撫憲具控移回另議並據黃宗啟等與紳士羅纘等先後赴前憲具控葉文潛之弟葉常華卽葉文睿亦以高明縣籍於乾隆五十七年捐納貢生行縣取結被紳士何讓等以葉常華之兄葉文潛等經於乾隆四十三年詳奉撥回原籍長寧縣考試赴縣攻擊該縣具稟前司追照查辦葉常華遂赴前撫憲呈控均奉批行查議本司到任照案飭催茲據肇慶府提集訊明詳覆請將謝國佐等照案

撥回原籍并將冒籍報捐貢監之黃宗啟等擬以杖責追照請咨斥革并准肇羅道移請照議核轉等由前來本司伏查黃宗啟等節經詳奉批行撥回原籍考試勒石遵守有案且經該府查明黃何二姓原籍新興現有嫡屬其謝國佐等已准嘉應州移明准其收考葉常華之兄葉文潛等久經撥回長甯是均有原籍可歸乃該童等屢次違抗不遵例應究懲查通省鎗冒之人惟嘉應爲最該童等妄冀混亂版籍是以於未經詳結之前輒卽捐貢捐監以爲鎗冒之地殊屬刁詐應如該府所議將高明縣籍捐監之黃宗啟何秀海李仁芳捐貢之葉常華卽葉文睿均照詐



冒變亂版籍律杖八十折責三十板仍請革去貢監各生  
候奉批回飭縣追出貢監各照彙入季冊會詳請咨斥革  
其謝國佐謝國瑞謝天寵謝參英黃宗發何超士何超羣  
李義芳李習芳李水保葉文潛葉文賡等尙未報捐請免  
置議所有謝國佐等及黃宗啟何秀海李仁芳葉常華等  
均請如該府道所議仍照原案撥歸嘉應新興長甯各原  
籍收考毋許再行冒籍滋訟如敢抗違嚴行究處生員何  
讓等經府訊非混攻滋事應毋庸議並請概行省釋是否  
允協理合據由詳候 憲臺察核批示飭遵二月初九日  
奉 督院批如詳飭將貢監生黃宗啟等照議責革發落

仍追出貢監各照彙入季冊通詳請咨斥革餘已悉二月  
二十三日奉 撫院批均如詳行查議茲據該縣府查案  
詳覆前來本司伏查乾隆三十八年十一月初二日奉准  
禮部咨嗣後寄籍民人若原籍僅存疏遠族屬本人名  
下並無田產室廬其入籍年分已與定例相符者地方官  
查明確實申詳立案准其入籍考試等因原指本人並無  
原籍可歸寄籍確有烟戶田糧者而言今高明縣客童除  
謝國佐謝國瑞謝天寵謝參英謝桂英五名前經查明實  
有原籍可歸甫經詳奉批允撥回嘉應州考試今應照案  
遵辦毋容置議外至李義芳李習芳李水保黃宗啟黃宗

發河秀海何超士何超羣何超凡葉文潛葉文廣等十一  
名據稱皆自乾隆五年及七九各年間遷於明邑雖與全  
書開載入籍定例相符但既據該縣歷查烟冊所紀該童  
等姓名年有年無又或本籍居住相距不遠現有嫡屬親  
鄰鑿鑿可據是均有原籍可歸之人似應俯如該縣府所  
議未便聽其混請入籍致滋騎考之弊候奉批回飭令該  
縣查照各童本籍地方一體分別移回收考毋得在寄籍  
地方應試以杜冒混等因到縣奉此除將客童謝國佐謝  
國瑞謝天寵謝參英謝桂英李義芳李習芳李水保八名  
牒呈嘉應州何秀海何超士何超凡何超羣黃宗啟黃宗

高明縣志

卷之七

學校

四

發六名移回新興縣葉文潛葉文廣二名移回長寧縣收  
考外合行勒石爲此示諭縣屬生童人等知悉嗣後凡有  
如謝國佐等之有原籍可歸者毋得冀圖在寄籍地方應  
試倘敢混冒定行查究其各永遵毋違須至碑者  
庚辰科舉人捷選知縣現署高明縣儒學李淇  
歲進士特授高明縣儒學訓導曾希甫

嘉慶元年歲次丙辰立

學田

原田六十九畝七分今  
丈實存五十一畝三分

一良村田土名新田禾地脚官陂小山石橋古岡大塘新  
塘雙實大小二十三坵今丈男字號共稅一十七畝七

分八厘五毫

在塘華都二甲廖容戶

一蛇塘村田土名蟾坑獨松根坪岡白墳學車田廟前田

大小五十四坵今丈貞字號共稅三十三畝五分一釐

五毫

在塘華都二甲僧志高戶內有一十七畝係鄉人麥萃送入學宮二祭時分昨麥萃子孫

學地

一原居住地四十六間坐在南河上截海旁除拆毀外今

丈學字號實在居住地一十八間

以上學田學地遞年納糧外存租銀一十二兩二錢一分三釐五毫解赴 提學道

一學宮照壁前地一段創小屋四間供 文廟香燈今不

可考殆即文明門基址焉

高明縣志

卷之七

學校

四

一芒蓆船六隻鄉官莫禦送入學宮順治十年教諭王孫

樞申請嶺西道勒碑在學歲免差使今名闔邑賓興餉

渡學書發批批銀每年兩學得半以半為通學賓興分

四十五份舉人公車得十八份士子赴科得十八份所

餘九份 文廟香燈得三份文祀魁得三份武祀魁得

三份

王孫樞記三王之學科甲蟬聯由於多名士也使其殿閣蟲吟堂齋草砌究亦讀書者缺事余自辛

卯春初辭司李而請學博非有胡公文章堪人立雪第筆硯緣猶未了耳及抵學一望頻宮半在荆棘深處遂

集諸紳衿捐資重建頹池剛已改觀是年秋即雋賢書者三脫盡告新不幾濟濟聽歌鹿醉曲江即爰復鳩工

文廟廊廡諸所計資千金方能盡木石而重麗也措畫正在艱難中適有鄉宦莫禦不忘出身地將原承認平

頭岳灣載芒蓆船六隻送出助費餉雖不多不可謂不慷慨矣余即具文申詳嶺西兵巡道沈批允奉批以公

餉而還公用此盛舉也如詳行繳迄今學宮煥然桃李  
舒翠至其地者莫不有春風勒馬踏看長安花想所少  
者文廟香燈耳尤有一焉辛卯賓興時余見有列在科  
舉艱於資斧不能觀場者比比何貧之誤人也茲將莫  
宦送出修學蕭船六隻遞年擬定共餉六十兩俱以正  
等內將三兩交與學書以供文廟香燈又抽一十四兩  
按季送助兩齋首宿又抽一十八兩按季分送本朝春  
元公車卷資後來中者雖多悉在十八兩內均取尚二  
十五兩著學書於二八月丁祭之先催齊候丁祭日通  
諸生俱集學書喚齊承餉各商將按季餉銀公同各齋  
長及諸生驗明封固共簽花押交所推重山長收貯以  
俟大比年正案科舉隨數分派獲壯棘院行色在已固  
不容侵匿并不得徇情容學師挪借仍推舉附城內外  
齋長二十人董其事不時查覈如二十人內有出仕者  
學書稟官擇請充數此典出自上臺非盡余力商人黃  
耀譚德何燦張茂譚振王元等先已送銀四十兩修學  
用是鑄為章程永歸本學公用即上司行取船隻斯船  
不入三阜內各船總不許藉口強擄亦不許混派幫貼  
間有土棍勾引豪強起而爭奪或唆派答應芟蓆以遂  
侵佔許通邑紳衿執嶺西兵巡道批文赴縣及司道部

高明縣志

卷之七

學校

三

院衙門控訴今勒諸石永  
垂不朽順治十五年春

附新設賓興經費支款

文武新進邑庠每名送兩學師印金共銀貳拾肆員書斗  
銀叁員柒貳兌府學每名送兩學師印金共銀叁拾員柒  
貳兌書斗在內

義學由官紳具聘延請每年脩金銀叁百員柒兌每  
月作官課一次每次共獎銀壹拾兩加厚者官自捐貲  
入武舉人會試及拔優朝考每名公車銀貳拾壹兩正

按上三項銀兩係同治十一年闔邑紳士倡建賓興起  
收三洲平碼館租議定條例每年由縣官彙收支發

社學書院

迎薰社學在南門外

拱宸社學在北門外

賓曦社學在東門外

鼎新社學在下倉步都

太平社學在太平都

塘安社學在太平都

圓岡社學在清泰都

龔海社學在羅塘都

倫埔社學在田心都

高明縣志

卷之七

學校

四四

崇化社學在田心都

龍門社學在田心都

良溪社學在田心都

仙村社學在田心都

孔堂社學在田心都

布練社學在塘華都

攀桂社學在范州都

沙亭社學松塘四鄉建

平溪社學在文儲都

弧矢社學在楊梅都

雲頭社學在楊梅都

慶龍社學在良村都

陀柳社學在黃村都

沙溪社學在沙村都

槐黃社學在黃村都

劬塘社學在馬鞍都

青雲社學在朱塘都更樓墟下

適中社學在古霸都

范州社學在范州都

青龍社學在高村都

高明縣志

卷之七

學校

四五

丙溪社學在范州都

秀麗社學在清溪都

蘇溪社學在阮埔都

挹仙社學在羅格都

平步社學在崇步都

潭朗社學在崇步都

鐵溪社學在羅俊都

高田社學在小崗都

活塘社學在小崗都

瀛洲社學在阮埔都

興隆社學在大幕都

山臺社學在文儲都

南秀社學在清泰都

右社學四十二所嘉靖七年知縣陳坡建三十七年知縣徐純申請院司道府批允重建今雖存者少照舊列之以俟興復

玉山書舍一連三進在文昌臺右乾隆四十二年闔邑捐貲建造以爲邑中士子讀書課文之所今廢仍存祀田頃餘值事存儲租銀以俟修復

沙水書舍在柏木村下沙水十三鄉道光三年建巽已向

高明縣志

卷之七

學校

四六

凌雲社學石洲珠岡三台竹寨全建

興賢社學三台新城迭平九龍展旗瑞州石筍等鄉建

明倫社學在石洲村

凌雲書院在井頭村元帝宮右光緒三年石水闔都修復  
蓮溪書院在蓮塘石龍廟側經亂被毀尙未修復

會文書舍在新墟西向嘉慶二十五年建

文昌書院在清溪都

今改爲清溪書院

鰲雲書院在西鰲山旁嘉慶十四年更樓合水二鄉建

知縣余保純記邑之有勗建也能爲其地培風脈增形勝儲靈蓄秀則營之能崇教化維學校敦士行則興之能使事機聯鄉族保里閭捍寇患則成之非是者則不舉夫相度有經菁莪有咏守望有制詩書備載古先哲之所以訓

聖天子之所以教守士者之所以仰承格體宜民而宜俗者也縣治西更樓合水二鄉俗尚敦龐民遵治化前因堪輿家有其地風水當培之說紳士等欲於兩鄉總彙之區西菴山旁公建書院文閣以補川原形勢之缺卽於其中訓率子弟校學評文平時則爲兩鄉紳士攻匪保良公所予嘉諸紳士之有志勸善旣因其請而序之並顏之曰菴雲今紳士等鳩工庀材共勦厥事首門屏次講堂次書樓其上則恭祀 敬二帝崇敬信而伸誠恪也院左則建文閣供奉 魁星象文明而壯觀瞻也不期年而告厥成功是舉也官不費而民勸工不煩而事集作庭繚垣儼觀翼翼鏤檻文槐旣丹旣漆局象規模巍然煥然夫而後望氣測景度土相原華院踴開高閣聳峙捍殘補缺斂勢聚形於升望降觀之意宜出則負耒入則橫經朔宣聖諭望課生徒於敦俗廣教之道宜父老雍和子弟親睦困則相恤急則相周災患互防比鄰相保於三物八刑之法宜誠一舉而三善備也夫孰非古訓是式化理是資牧民者仰體

高明縣志

卷之七

學校

七

聖天子作士膺民黜華崇實之至意訓遵期望而士民克有以副之也使各鄉則而效之幾何其不蓁蓁而俗燉乎爰爲之記其事而壽諸石時嘉慶十四年己巳季冬

崇文書院歌樂獨岡陀柳新村大朗水尾梧桐新田金城

九鄉同建坐庚向甲

善善社學道光二年善善堡義助創建在范州鄉羅亞坊

尾辛乙向今改金鰲書院

文瀾書院在三洲墟三洲圍全建

文元書院在周田村後左邊午兼丁向

道光十四年謝有申譚錫疇謝杰等

積儲創建後被客匪焚毀光緒十三年經謝震謝世昌等建復

清和書院道光二十二年始建後毀光緒十年重建在東

亨村右

稅五畝與東亨謝翰經買受

叢秀書室在深水鄉內坐乾向巽



東洲書院一連三進妥享闔邑各鄉祖主後建高樓一座  
分三層奉祀倉沮二聖文武二帝財帛星君魁斗星君各  
神頭門兩旁襯祠二間自後樓至院前攤墀俱有圍牆墜  
碑石三塊在門外之南前對文峯規模壯麗坐寅向申兼  
甲庚一分光緒十六年闔邑簽助人牌位八百餘尊得銀  
壹萬餘員告成於十七年六月買山第村左洞田壹百零  
柒畝餘四圍坵段相連有石界為識以為春秋祭享之需  
知縣蔡逢恩記大造之生才不靳於方隅 朝廷之掄才  
必由於鄉邑則百里有賢三升需俊教育之責為宰者自  
有專歸余適當其任急務作人值邑紳林君蔭村劉君謬  
卿黎君煥階何君翼南等以前任鄒君倡建書院之議生  
余余亟為鼓舞相與相厥陰陽登彼東洲見夫二水中分  
層巒環繞玉山朗列貴峯特朝名勝天生甲乎嶺表巨觀

高明縣志

卷之七

學校

哭

哉莫屬矣況查前明嘉靖自江中突起此洲文風丕振顯  
有可徵爰拓新基移古刹築講堂鳩工庀材葺月歲事其  
聞董紳之跋涉勸捐勞怨不避愈信古今來創建非常惟  
瞻識過人才雄力毅者始克有成今則籌金萬壹千員有  
奇構成後樓三層高五丈供奉 魁星文武二帝倉沮二  
聖財神前院三進長二十餘丈濶七丈高二丈供奉列姓  
簽題正旁主位續以長垣翼以傍廂置祀產為春秋費徒  
延慶禪林於洲尾起明陽文塔於岡根行見聖教昌明踵  
鹿洞鵝湖之盛人文蔚起湧韓潮蘇海之觀及第芙蓉聿  
應大魁吉識 興朝楨榦上追風度名臣矣爰為之序  
區為樑記東洲四邑一勝地而墨者居之自明季誅茅結  
菴代有興廢而瓶鉢不絕士君子無不問者非不能鋤而  
去也時未可也一旦文運將開龜兆告吉遂 闡若設泉  
比徙髡徒蒸髦士山川奮其精神星 彩向之採  
薪汲水齊魚粥鼓至是赫然殊觀焉雖日運會使然要亦  
人事之消息 有以釋羣疑而堅眾信故能步往哲之  
遺塵導後學之先路以宏此遠模也予為士林幸矣我邑  
素稱人文數曾徵諸志 聞知昔先正思深慮遠凡所以  
扶翼文教培養士氣者無不周尊經閣何為也謹典籍之  
藏也文昌塔何為也挹奎壁之光也玉山書舍何為也薦

明德之馨香也獨至起風化育人材之書院則缺而未備豈安簡陋而憚經營哉從來垂創之功天人參半或有志而未逮遠矣而論有所未齊齊矣而力有所未給考古者每太息於締造之艱不得不諉諸時運之未至孰意涵濡數百年之久綿綿翼翼至於今始致此巍煥也吾復爲世道幸矣今者星石鄒侯發其端荷溪蔡侯觀其成蔭村林翁謬卿劉翁翼南何翁煥階黎翁暨諸君子董其役規模宏敞氣象希皇升其堂衣冠濟濟然入其室誦聲琅琅然望其氣鬱鬱蔥蔥然春風至則眾木向榮時雨滋則萬竿聳翠亦既燦乎隱隱各得其所矣而吾猶有冀焉者購書籍以資博覽籌膏火以給單寒設獎賞以示鼓勵庶幾哉英傑輩出風會日上中庸由高明而道高明由博厚而基乎地以人靈人以地盛則是洲也雖嘗湮沒於虛無寂寞之鄉而卒煥發於光天化日之下信乎神明之隲造物者若珍祕焉以待人事之採擇大其用而顯其奇也吾又將爲東洲幸矣茲當落成獲從鄉先生後躬觀其盛又適忝主講席不可以不文辭乃薰沐而爲之序

秀麗書院在羅俊都一甲道光初年創建十三年毀於水

舊志譚錫蕃曰自古帝王之興莫不以學校爲先務立大學以教於國設鄉學以教於邑急人才而重教化由來尙矣高明隸屬端州雖僻處一隅然家有詩書人宗孔孟有邑以來人文蔚興碩彥輩出是謂鍾於玉山者厚毓於珠水者深實亦沐浴於樸棧菁莪之化者廣也先正邱瓊山曰盛世未有不興學校賈山曰地之美者善養禾上之仁者善養士鼓而舞之裁而成之庶不失設立學校之意而多士共慶彙征矣

